

9.

Adakah kanak-kanak boleh dijamin?

Berdasarkan subseksyen 84(3) Akta 611, Mahkamah Bagi Kanak-Kanak hendaklah melepaskan kanak-kanak itu dengan suatu bon, yang disempurnakan oleh ibu, atau bapa atau penjaganya atau orang lain yang bertanggungjawab dengan atau tanpa penjamin, bagi suatu jumlah yang pada pendapat Mahkamah Bagi Kanak-Kanak itu akan memastikan kehadiran kanak-kanak itu apabila pertuduhan itu didengar. Walau bagaimanapun, kanak-kanak tidak boleh dijamin sekiranya –

- (a) pertuduhan yang dikenakan ialah pertuduhan membunuhan atau jenayah berat yang lain;
- (b) perlu demi kepentingan kanak-kanak yang ditangkap itu dia diasingkan daripada bergaul dengan mana-mana orang yang tidak diingini; atau
- (c) Mahkamah Bagi Kanak-Kanak itu ada sebab untuk mempercayai bahawa pelepasan kanak-kanak itu akan mengecewakan matlamat keadilan.

Apakah maklumat yang perlu diperoleh oleh Mahkamah bagi kanak-kanak sebelum apa-apa perintah dibuat terhadap seseorang kanak-kanak?

Mahkamah perlu mendapatkan laporan akhlak daripada seorang pegawai akhlak yang mengandungi maklumat seperti kelakuan seseorang kanak-kanak itu pada amnya, suasana rumah, rekod sekolah dan riwayat perubatannya. Mahkamah boleh melepaskan seseorang kanak-kanak itu atas jaminan atau menahannya di suatu tempat tahanan.

11.

Apakah kuasa yang ada pada Mahkamah Bagi Kanak-Kanak sekiranya sesuatu kesalahan telah dibuktikan?

Sekiranya suatu kesalahan telah terbukti dilakukan oleh seseorang kanak-kanak, Mahkamah Bagi Kanak-Kanak adalah berkuasa untuk–

- (a) memberikan amaran kepada dan melepaskan kanak-kanak itu;
- (b) melepaskan kanak-kanak itu apabila dia menyempurnakan suatu bon untuk berkelakuan baik dan untuk mematuhi apa-apa syarat yang dikenakan oleh Mahkamah;
- (c) memerintahkan supaya kanak-kanak itu diletakkan dalam pemeliharaan seseorang saudara atau orang lain yang layak dan sesuai selama apa-apa tempoh yang hendaklah ditetapkan oleh Mahkamah dan dengan apa-apa syarat yang dikenakan oleh Mahkamah;
- (d) memerintahkan supaya kanak-kanak itu membayar denda, pampasan atau kos;
- (e) membuat perintah khidmat masyarakat;
- (f) membuat suatu perintah percubaan di bawah seksyen 98;
- (g) memerintahkan supaya kanak-kanak itu dihantar ke suatu sekolah diluluskan atau Sekolah Henry Gurney;
- (h) mengenakan ke atas kanak-kanak itu, jika dia berumur empat belas tahun ke atas dan kesalahan itu boleh dihukum dengan hukuman penenjaraan dan tertakluk kepada subseksyen 96(2), apa-apa tempoh penenjaraan yang boleh dijatuhkan oleh Mahkamah Sesyen.

12.

Adakah terdapat apa-apa sekatan terhadap perintah penenjaraan yang dikenakan terhadap kanak-kanak?

Berdasarkan subseksyen 96(1) Akta 611, kanak-kanak di bawah umur empat belas (14) tahun tidak boleh –

- (a) diperintahkan supaya dipenjarakan bagi apa-apa kesalahan; atau
- (b) dikomitkan ke penjara kerana ingkar membayar denda, ganti rugi atau kos.



Jabatan Bantuan Guaman

A K T A KANAK-KANAK 2001

[AKTA 611]



IBU PEJABAT:
JABATAN BANTUAN GUAMAN

ARAS 1,
BANGUNAN HAL EHWAL UNDANG-UNDANG,
PRESINT 3,
PUSAT PENTADBIRAN KERAJAAN PERSEKUTUAN
62692 PUTRAJAYA

NO. TELEFON:
03-88851827 (Sivil) | 03-88851826 (Syariah)
NO. FAKSIMILE: 03-88851829/1830/1831
PORTAL: www.jbg.gov.my

CATATAN:
RISALAH INI IALAH SUATU PENERANGAN RINGKAS UNTUK PENGETAHUAN ORANG RAMAI SAHAJA. IA BUKAN NASIHAT UNDANG-UNDANG YANG LENGKAP DAN TERPERINCI.



www.jbg.gov.my

[jabatanbantuanguaman](https://www.facebook.com/jabatanbantuanguaman)

1.

Apakah yang dimaksudkan dengan "kanak-kanak" dalam Akta 611?

Berdasarkan subseksyen 2(1) Akta 611, "kanak-kanak" ertiinya –

- (a) seseorang yang di bawah umur lapan belas tahun; dan
- (b) berhubung dengan prosiding jenayah, ertiinya seseorang yang sudah mencapai umur bagi tanggungjawab jenayah sebagaimana yang ditetapkan dalam seksyen 82 Kanun Keseksaan [Akta 574].

Seksyen 82 Akta 574 menyatakan bahawa kanak-kanak berumur sepuluh (10) tahun ke bawah dianggap tidak berupaya melakukan jenayah. Walau bagaimanapun, berdasarkan seksyen 83 Akta 574, kanak-kanak yang berumur antara 10 hingga 12 tahun boleh dianggap berupaya melakukan jenayah sekiranya dia telah mencapai kematangan yang mencukupi untuk memahami dan mempertimbangkan sifat dan akibat kelakuannya pada masa itu.

Apakah hak seseorang kanak-kanak selepas ditangkap oleh pihak berkuasa?

2.

Menjadi kewajipan seseorang pegawai polis atau seorang lain yang melakukan tangkapan, sebaik sahaja selepas penangkapan seorang kanak-kanak, memberitahu Pegawai Akhlak dan ibu bapa atau penjaga kanak-kanak itu tentang penangkapan itu. Polis juga perlu memberitahu Pegawai Akhlak atau ibu bapa atau penjaga kanak-kanak itu sebab penangkapan dan menghantar suatu salinan pertuduhan dan maklumat lain yang perlu untuk membolehkan Pegawai Akhlak mengambil apa-apa tindakan yang perlu.

Apakah prosedur yang perlu dipatuhi semasa seorang kanak-kanak ditahan?


3.

Seorang kanak-kanak, semasa ditahan di balai polis, semasa dibawa ke atau dari mahkamah, atau semasa menunggu sebelum atau selepas hadir di mana-mana mahkamah, hendaklah diasingkan daripada pesalah dewasa. Dalam hal seorang kanak-kanak perempuan, dia hendaklah diletakkan di bawah jagaan seorang wanita.

Bagaimanakah seseorang kanak-kanak dibicarakan?



Seseorang kanak-kanak hanya boleh dibicarakan di Mahkamah Bagi Kanak-Kanak. Walau bagaimanapun, sekiranya seorang kanak-kanak dituduh bersama-sama dengan orang dewasa, pertuduhan hendaklah didengar oleh suatu mahkamah selain Mahkamah Bagi Kanak-Kanak dan mahkamah yang lain itu hendaklah menjalankan berkenaan kanak-kanak itu segala kuasa yang boleh dijalankan di bawah Akta 11 oleh Mahkamah Bagi Kanak-Kanak.



Apakah yang dimaksudkan dengan Mahkamah Bagi Kanak-Kanak?

5.

Mahkamah Bagi Kanak-Kanak ialah mahkamah yang mendengar, memutuskan atau membereskan apa-apa pertuduhan terhadap kanak-kanak atau menjalankan apa-apa bidang kuasa lain yang diberikan atau yang akan diberikan kepada Mahkamah Bagi Kanak-Kanak di bawah Akta 611 atau oleh mana-mana undang-undang bertulis lain.

Apakah Bidang Kuasa Mahkamah Bagi Kanak-Kanak?

6.

Mahkamah Bagi Kanak-Kanak mempunyai bidang kuasa untuk membicarakan semua kesalahan kecuali kesalahan-kesalahan yang boleh dihukum dengan hukuman mati.

7.

Apakah Fungsi Penasihat?

Fungsi penasihat adalah untuk memaklumkan dan menasihati Mahkamah Bagi Kanak-Kanak mengenai apa-apa pertimbangan yang menyentuh perintah yang dibuat berdasarkan suatu dapatan bersalah atau pelakuan lain yang berkaitan terhadap mana-mana kanak-kanak yang dibawa ke hadapan Mahkamah itu dan jika perlu, untuk menasihati ibu bapa atau penjaga kanak-kanak itu.

8.

Bagaimana Prosiding di Mahkamah Bagi Kanak-Kanak?

Prosiding di Mahkamah Bagi Kanak-Kanak ialah-

- (a) menjalankan perbicaraan dalam kamar majistret atau secara tertutup (*in camera*);
- (b) dua orang penasihat hendaklah turut hadir semasa perbicaraan untuk menasihati Majistret berhubung dengan perintah yang akan dibuat terhadap kanak-kanak menurut subseksyen 11(2) Akta 611;
- (c) ibu dan bapa atau penjaga kanak-kanak hendaklah dikehendaki hadir pada prosiding di Mahkamah Bagi Kanak-Kanak;
- (d) menurut subseksyen 91(2) Akta 611, perkataan "sabitan" atau "hukuman" tidak boleh digunakan terhadap seseorang kanak-kanak yang terhadapnya Mahkamah Bagi Kanak-Kanak bertindak dan sesuai "sabitan" atau "hukuman" hendaklah ditafsirkan sebagai suatu daptan bersalah sahaja;
- (e) kanak-kanak di bawah umur empat belas tahun tidak boleh dikenakan hukuman penjara;
- (f) kanak-kanak yang berumur empat belas tahun ke atas tidak boleh
 - (i) diperintahkan supaya dipenjarakan jika dia boleh diperlakukan dengan apa-apa cara lain yang sesuai sama ada dengan percubaan, atau denda, atau dihantar ke sesuatu tempat tahanan atau sekolah diluluskan, atau Sekolah Henry Gurney, atau selainnya;
 - (ii) jika diperintahkan supaya dipenjarakan, dibenarkan bergaul dengan banduan-banduan dewasa.